

**ՏԵՂԵԿԱՏՎՈՒԹՅԱՆ ԱԶԱՏՈՒԹՅՈՒՆԸ
ԿԱՌԱՎԱՐՄԱՆ ՀԱՄԱԿԱՐԳՈՒՄ**

ՎԵՐԱՊԱՏՐԱՍՏՄԱՆ ԾՐԱԳԻՐ

Դասընթացի նպատակը

Դասընթացի նպատակն է պետական կառավարման համակարգի տեղեկատվական ստորաբաժանումների աշխատակիցներին փոխանցել համապարփակ գիտելիք և փորձառություն Տեղեկատվության ազատության ազգային և միջազգային կանոնակարգումների, հրապարակայնության ապահովման առցանց և առկա գործիքների ու մեխանիզմների վերաբերյալ:

Մասնակիցներ - Պետական կառավարման մարմինների հասարակայնության հետ կապերի և տեղեկատվության ստորաբաժանումների աշխատակիցներ, տեղեկատվության ազատության պատասխանատուներ, մամուլի խոսնակներ:

Ծրագրի տևողությունը- 6 ժամ (40 րոպե ընդմիջմամբ): Առցանց դասընթացն իրականացվում է 2 օրերի ընթացքում՝ յուրաքանչյուրը ժամ տևողությամբ:

Ուսուցման ձևաչափը և մեթոդները - առցանց դասընթաց, որը կանցկացվի հետևյալ մեթոդներով.

- պրեզենտացիաներ և դասախոսություն,
- հարցեր և պատասխաններ,
- քննարկումներ,
- մտային գրոհ,
- խմբային աշխատանք
- դերային խաղ (միայն առկա դասընթացի դեպքում):

Ուսուցանող - Շուշան Դոյրոյան ՄՍԻ-ի փորձագետ, Ինֆորմացիայի ազատության կենտրոնի ՀԿ ղեկավար, ԵՊՀ դոցենտ, ք.գ.թ.

ԴԱՍԸՆԹԱՑԻ ԹԵՄԱՆԵՐԸ

Թեմա I. Դասընթացի նպատակի եւ խնդիրների ներկայացում, ինչպես նաեւ դասընթացի մասնակիցների ակնկալիքների ներկայացում և քննարկում: Դասընթացավարը մասնակիցներին ներկայացնում է կարիքների գնահատման ընթացքում վեր հանված ակնկալիքները, հրավիրելով ներկաներին ներկայացնել այլ առաջարկներ:

Քննարկում:

Տևողությունը՝ 10 րոպե:

Թեմա II. Ի՞նչ է տեղեկատվության ազատությունը

Տեղեկատվության ազատություն հասկացության պարզաբանումը, տեղեկատվության ազատության առավելությունները պետական կառավարման մարմինների համար: Դասընթացավարը ներկայացնում է ՏԱ հասկացության վերաբերյալ առկա հիմնական մոտեցումները:

Մտային գրոհ՝ ինչու՞ է անհրաժեշտ տեղեկատվության ազատության մասին օրենսդրությունը: Մասնակիցները ներկայացնում են իրենց մոտեցումները, կարծիքը, որից հետո դասընթացավարն ամփոփում է մտային գրոհում հնչած կարծիքները և ամբողջացնում ցանկը:

Քննարկում

Տևողությունը՝ 20 րոպե:

Թեմա III. Տեղեկատվություն ստանալու իրավունքը

Ովքեր ունեն տեղեկություն ստանալու իրավունք: Ինչպիսի տեղեկություններ ստանալու համար են սովորաբար դիմում: Ինչպես են դիմում տեղեկատվություն ստանալու համար, տեղեկություն ստանալու բանավոր, գրավոր, էլեկտրոնային հարցումներ: Տեղեկություն ստանալու միասնական հարթակ:

Քննարկվում են տարբեր իրավիճակներ, երբ տեղեկատվություն ստանալու համար դիմում են հասարակության տարբեր խմբեր (լրագրողներ, ՅԿ-ներ, քաղաքացիներ, տարեցներ, երեխաներ, բիզնես կազմակերպություններ, փաստաբաններ և այլն):

Տևողությունը՝ 50 րոպե:

Ընդմիջում՝ 20 րոպե:

Թեմա IV. Տեղեկատվության տրամադրման սուբյեկտները

Աշխատանք տեղեկություն ստանալու հարցումների հետ: Ում պարտականությունն է տեղեկատվության տրամադրումը: Տեղեկություն տրամադրելու կարգը, մեխանիզմները (առցա եւ առցանց) և ժամկետները: Դասընթացավարը ներկայացնում է դիմողների հետ աշխատանքի սխեման՝ սահմանված ազգային օրենսդրությամբ և լավագույն փորձով՝ տեղեկություն ստանալու հարցմանն ընթացք տալու անհրաժեշտ 6 քայլերը:

Քննարկում խմբերով. մասնակիցներն աշխատում են փոքր խմբերով՝ ներկայացնելով 6 քայլերի գործնական կիրառման մեկական օրինակ: Նրանք կարող են ավելացնել նաև մեխանիզմում պակասող քայլեր: Մասնակիցներն օրինակները ներկայացնում են հաշվի առնելով իրենց կառույցի փորձը տեղեկություն տրամադրելու գործընթացում: Դասընթացավարն առաջնորդում է քննարկումը:

Տևողությունը՝ 70 րոպե:

Առաջին օրվա ավարտ:

Թեմա V. Տեղեկատվության ազատության սահմանափակումները

Տեղեկատվության տրամադրման մերժման օրենսդրական հիմքերը, տեղեկատվության տրամադրումը մերժելու կարգը և ժամկետները:

Ստային գրոհ. որոնք կարող են լինել տեղեկությունը սահմանափակելու հնարավոր հիմքերը: Զննարկվում են կոնկրետ դեպքեր, երբ մասնակիցները մերժել են տեղեկության տրամադրումը: Այնուհետև դասընթացավարը ներկայացնում է բոլոր այն հիմքերը, որոնք նախատեսվում են ՀՀ օրենսդրությամբ և միջազգային փաստաթղթերով: Տևողությունը՝ 60 րոպե:

Թեմա VI. Պրոակտիվ հրապարակայնություն. տեղեկության հրապարակումը սեփական նախաձեռնությամբ

Պարտադիր հրապարակման ենթակա տեղեկությունները, հրապարակման ժամկետները, ձեւաչափը: Պրոակտիվ հրապարակայնության ապահովման արդյունավետ միջոցները՝ պաշտոնական կայքեր, սոցիալական ցանցեր, մեդիաներ և այլն:

Զննարկում. մասնակիցները ներկայացնում են պրոակտիվ հրապարակայնության ապահովման իրենց հաջողված փորձը: Դասընթացավարն ամփոփում է՝ ներկայացնելով միջազգային լավագույն փորձն այս ոլորտում:

Տևողությունը՝ 30 րոպե:

Ընդմիջում՝ 20 րոպե:

Թեմա VII. Բողոքարկում եւ տեղեկություն ստանալու իրավունքի խախտման համար պատասխանատվությունը

Տեղեկատվության ազատության խախտումները, խախտումների բողոքարկման կարգը: Վարչական իրավախախտումների վերաբերյալ օրենսդրության պահանջները: Զրեական օրենսգրքով նախատեսված օրենսդրական պահանջները:

Ռազմավարական դատավարական գործեր: Մարդու իրավունքների եվրոպական դատարանի նախադեպային իրավունքը տեղեկատվության ազատության ոլորտում:

Տևողությունը՝ 70 րոպե:

2-րդ օրվա ավարտ: